

Հաստատում եմ՝  
Ավանդական բժշկության համալսարանի  
Ռեկտոր ԳԽ Նախագահ  
Ն. Խ. Սարիբեկյան  
2020թ.



## ԱՎԱՆԴԱԿԱՆ ԲԺՇԿՈՒԹՅԱՆ ՀԱՄԱԼՍԱՐԱՆԻ ԷԹԻԿԱՅԻ ԿԱՆՈՆԱԿԱՐԳ

### 1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Ավանդական բժշկության համալսարանի աշխատակիցների, պրոֆեսորադասախոսական կազմի և ուսանողների էթիկայի կանոնակարգը (այսուհետ՝ Կանոնակարգ) նորմատիվ իրավական ակտ է, որը սահմանում է բարոյաէթիկական սկզբունքները, կանոնները, նորմերը, վարքագծի կանոնները և գործնական հարաբերությունները ԱԲՀ-ում:
- 1.2. Կանոնակարգը ներդրվում է ԱԲՀ-ում գործունեություն իրականացնող աշխատակիցների, պրոֆեսորադասախոսական անձնակազմի և ուսանողների բարոյահոգեբանական, գիտամանկավարժական, դաստիարակչական և կազմակերպական հիմունքների զարգացման և ամրապնդման նպատակով, որը նպաստում է ԱԲՀ-ի ընդհանուր գործունեության և զարգացման հիմնական ծրագրերի աջակցությանն ու իրականացմանը:
- 1.3. Կանոնակարգով սահմանված պահանջները տարածվում են բոլոր աշխատողների վրա՝ անկախ զբաղեցրած պաշտոնից:

### II. ՊԱՀՊԱՆՄԱՆ ԵՆԹԱԿԱ ԿԱՆՈՆՆԵՐ

1. *Համալսարանի աշխատակիցները պարտավոր են պահպանել էթիկայի հետևյալ կանոնները.*
  - հարգել ՀՀ պետական լեզուն, ինչպես նաև պետական խորհրդանիշները,
  - Համալսարանի մյուս աշխատողների (այսուհետ Գործընկերների) հետ փոխհարաբերություններում լինել հարգալից, շրջահայաց, արդարամիտ, պահպանել ենթակարգությունը,
  - իր գործողություններով կամ անգործությամբ չվարկաբեկել Համալսարանի հեղինակությունը,
  - հարգել գործընկերների մասնագիտական կարծիքը,
  - չքննադատել գործընկերներին այլոց ներկայությամբ. խնդրի առաջացման դեպքում պարզաբանումներ մտցնել՝ վերջինիս ներկայությամբ,

- չտարածել աշխատանքային պարտականությունների կատարման ընթացքում իրենց հայտնի դարձած տեղեկությունները՝ դրանք օգտագործելու միջոցով,
- աշխատավայրում չծխել,
- բարեխղճորեն վերաբերել գործատուի և գործընկերների գույքին,
- պահպանել բարոյական նորմերով սահմանված էթիկայի այլ կանոններ:

## **2. Համալսարանի աշխատակիցներին արգելվում է՝**

- առանց գործատուի համաձայնության աշխատանքային պայմանագրով նախատեսված աշխատանքի կատարումը գործընկերոջը վերահանձնարարելը,
- Համալսարանին սեփականության իրավունքով պատկանող գույքը փչացնելը կամ կորցնելը,
- գործընկերների նկատմամբ խտրականության դրսևորումը անկախ՝ սեռից, տարիքից, ազգային էթնիկական կամ սոցիալական ծագումից, ռասայից, կրոնական դավանանքից կամ առողջական վիճակից և այլն,
- Համալսարանի զարգացման ծրագրով սահմանված ուսումնադաստիարակչական գործընթացների ներդրմանը և կատարմանը խոչըղոտելը:

## **3. ԱԲՀ-ի ակադեմիական աշխատակազմի վարքագծի կանոնները ներառում են.**

- վարքագիծը, այդ թվում՝ կարգապահությունը և կարգապահական տույժերը,
- աշխատանքի նշանակումը, առաջխաղացումը և աշխատանքից ազատումը,
- գիտական հետազոտությունները, քննություններն ու գնահատականները:

## **4. ԱԲՀ-ի ուսանողների վարքագծի կանոնները ներառում են.**

- վարքագիծը, այդ թվում՝ կարգապահությունը և կարգապահական տույժերը,
- ակադեմիական բարեվարքությունը:

**5. Ընդհանուր սկզբունքները** ձևավորվել են ՀՀ օրենսդրության պահանջների, Բարձրագույն կրթության ոլորտում ինստիտուցիոնալ էթիկայի կանոնագրքի ուղեցույցի, Եվրոպական հանձնաժողովի Հետազոտողների Եվրոպական խարտիայի և հետազոտողների հավաքագրման վարքագծի կանոնագրքի դրույթների հիման վրա: